

Transkription von Urkunde PAR 1373b

Ort, Datierung: Parchim, 1373-12-04

Signatur: Landeshauptarchiv Schwerin, fürstlich, ACS 55

Inhalt: Belehnung

Wy Johan van godes gnade here tũ werle beke(n)nen openbare Jn dessem breue Alze v(m)me dat
borchleen . dat . de erliken knechten / he(n)neke vn(de) deneke brodere gheheten van weltzin . hebben
vppe deme hus tũ parchem . dat wi myt vsen erue(n) . nemen vnde / ghenomen hebbe(n) van dessem
vorbenomeden borchlene alle houen mit . eren hōuen vn(de) wūrder Mit alle ere(n) ghulde(n) / alse
liggen Jn alle erer schede . an holte an velte an wate(re) an weyde(n) Mit alle erer tũ behoringe . vn(de)
de korne pacht de / se hebben Jn der molen tũ parchem . vn(de) alle ghulde vn(de) tente(n) myt deme
erue dat tũ deme borchlene hort . vn(de) hebbe(n) / dye vorbenomede gud vn(de) gulde ghelegghen
vn(de) ghegheue(n) . myt lene vn(de) myt erue tũ man rechte dessen vorbenomede(n) / broderen
hen(n)eken vn(de) deneken vn(de) eren erue(n) . also dat se dat . beholden vn(de) besitten moghe(n)
vn(de) sik nūtten maken . alze leen=/gud tũ man rechte vn(de) wi vn(de) vse erue(n) . scole(n) dar
nynerleye borchgud noch borchrecht . ane vōrderen noch behol=/den Hir ou(er) sint ghewest vse
truwen hinrik smeker vn(de) Johan van grabow Riddere her hinric p(er)ner tũ parchem . / Moltzan van
storczowe vn(de) lyppolt van lēsten knechte vn(de) mer lude de loue(n) wolle werd sint Tũ tughe
vn(de) / tũ bekantnisse desser dynk . so hebbe wi vorbenomede Johan he(re) tũ werle vor vs vn(de) . vor
vse erue(n) . vse ynghe=/seghel . tũ dessem breue laten hengen Na godes bord drutteynhundert Jar . Jn
deme dre vn(de) seue(n)tighesten / Jare Jn su(n)te barbaren daghe . der hilghen Juncvrowen ,